

36068

第十八册

卷二十

藝文

新修山東鹽法志



16996

山東鹽法志卷二十

藝文

文 詩 紀

恩詩



鹽官之有紀載以法不以文然而

國家右文人才蔚起則凡

時巡之盛典官府之建置場亭之作苦其見諸論述而形為咏

歌者若不輯而存之後將何所考證而或事非所繫言不

雅馴則並逸其文以歸體要茲擇其尤者錄之備輶軒之

採焉志藝文

碑

山東鹽法志

卷二十 藝文

重修歷下亭碑

運使

羅正

濟南為齊魯要區負山憑海稱雄寰寓城內之西北隅為

明湖湖有洲洲有亭唐李北海杜少陵後先倡和而歷下

亭之名始顯先大人昔典是郡甚愛此亭以為萬山環拱

一水滌洄聚秀涵清於斯為最常以政治餘閒借二三賓

朋觴詠其上肯余方髫年追隨登眺輒徘徊不忍去嗣自

先大人移官兩淮余亦筮仕三楚公餘往往論及濟南山

水深念歷下一亭自滄溟先生修整而後二百年來無復

有能繼其盛者倘得莅官茲土復遊其地俾勝蹟一新亦

生平所大快而留之心曲者幾四十年歲在壬辰恭膺

特簡理畿東郡竊幸名勝重逢下車甫旬卽泛舟湖上始知前監

司李君慎齋懷古情深誠恐名賢觴詠之地淪沒荒墟已

一一更新之吁何其先得我心也夫李君去今又二十餘

年矣礎雨鈴風不無剝落思欲重葺焉而時有未暇閱四

季我大中丞峩封李公秉鉞二東鎮撫以來物序雍熙海

宇清廓余與寅友桐城張君計曰此亭不修且壞若再移

歲月愈頽廢難理於是量材計工節之俸餘不兩月而告

竣白亭榭廊廡以及飛橋外柵次第俱新宋桷之腐墨撓

山東鹽法志

卷二十

藝文

二

折者易焉構榱椳椳之漫漶不鮮者繪焉他若雲牕月牖
之玲瓏曲欄橫檻之綺麗則視昔有加觀覽之下見水光
浮樹山色含烟溼翠寒香襲人裾袖悠悠然魚鳥與俱洋
洋焉造物與遊俯仰之間會心不遠孰非

聖朝之所賜遭時之極隆也哉然余於此猶有慨焉昔也撰杖
從遊趨承色笑今則登亭遠矚而星移物換白雲在天東
郡南樓感同罔極矣故備述顛末勒之珉石亦望後之君
子鑒余之志修葺以時庶幾斯亭之不朽也夫

重修歷下亭碑

巡鹽御史鄂禮

歷下亭者唐李北海杜少陵觴咏處也亭在歷城西北隅
四面環湖遙對歷山之下故曰歷下云雍正十年壬子春
正余奉

命督鹺三月巡視山左其時歲比不登災沴沔告日擊凋瘵餘生

凡瀕海之民私相熬波煎素蹈法禁摯狴狂者肩駢趾錯
方憂民不暇奚暇尋幽問壑以博遊騁之一快也我

皇上軫念東省宵旰焦勞開倉囷賑貧乏截漕糧平糶糴以拯民
艱濟民食

仁恩所沛周於茆葑以此感石

山東鹽法志

卷二十一 藝文

三

天心庥和協應嘉祥疊至卿雲屢徵雨暘時若而歲乃大豐及季
秋再巡茲土輶軒所經無復昔日鳩鵲之狀愁嘆之聲而
沐浴

聖德歌咏太平者與車塵相接比至歷城彌覺民氣和樂豐稔之
象室家相慶公餘少暇與寅僚諸君子詢風問俗訪山川
探名勝而歷下亭則逼近予署齋之後由署而北少折而
西爲明湖一曰西湖於是駕湖舫湖水清瑩可鑑毛髮荷
池蒲沼菱汀菱汊曲折迤邐與湖逕互相組織輕舟飄渺
波縠潏洄如坐冰壺之中行蓬萊之上幾不知身之所至

也遙盼一亭翠水環繞聳矗雲端艤舟相向指其地而泊焉乃升亭四望而天空水清山高岸濶譙樓壯麗綺陌參差曠然在目循亭而北碑石排立北海少陵之句左右並懸循碑而北廻廊曲檻窻櫺洞然折而西南廊檻宛轉相承幾十數楹西向一小門復承以十數楹再折而北石欄四抱築臺中央覆屋臺上或升臺而眺或憑檻而臨忽坐忽立忽步忽倚仰見夫雲之流鳥之飛俯瞰夫魚蝦之游躍荇藻之續紛無不悠然自得隨所至而憇焉恍與李杜諸君子謳吟而上下也抑聞之歷山舜畊耘地也揮絃解愠之風猶有存焉者乎方今

山東鹽法志

卷二十 藝文

四

聖天子之播南薰而阜民財者尤使者之所樂聞與山東諸父老扶杖而觀德化之成也則歷下之遊豈爲一觴一詠遂足以紹前賢而誇盛美乎溯亭之創造顯於齊州李君之芳此北海太守所稱吾宗固神秀體物寫謀長者也嗣此或廢或興明滄溟李公乃大修於前

國朝賢使君皆能踵其事於後庚戌秋水泛漲惟遺一亭餘皆傾圮今運司楊使君樂其歲之豐也復倡而修之視前規模益宏敞增麗不逾月告成而予適乘驄而至遂卽其

亭之興圯之自與登斯亭者忻戚之由而書之非僅以紀遊觀之盛云

記

釋志亭記

巡鹽御史
莽鶴立

濟南固山左名區也城以外萬斛源泉隨地涌出繞城而流城內之泉十餘所曲折而北會於明湖巡鹽公署居湖之南向之膺是職者不過一歲歲不過數旬於斯官衙等傳舍耳余自癸卯之夏祇承

簡命甲辰春東行一至於茲嗣後奉

山東鹽法志

卷二十
藝文

五

旨特留乙巳仲春復再至焉宿弊漸清簿書頗暇偶然散步見室後有隙地一帶形狹而長低垣隔截碎礫錯雜棄爲無用爰命撤其障除其地塞者通窪者平步而量之南至北得六武西至東十倍之盡西北隅蓋數椽爲一亭方廣一丈以蔽風日地不必寬惟其便制不必華惟其簡費不必多惟其儉役不必繁惟其速不旬日而工告竣公餘之刻得以彎弧鳴鏞於其中以適余情亦可樂也亭成客請顏之以匾余曰津署射亭厥名釋志蓋取記所云各釋其志之義也夫天下之事莫不有一至當不易之準高則過卑則

不及內正外直審固而往方能合度今公解雖異而余志則無異可仍以繹志名客曰善哉公之志非特今日無異卽終其身如一日也盍書之以示將來使共見公之志併得以志公之志不更愈乎余輟然而笑曰人心之不同如其面然余尚未敢必余之志果盡無憾於前賢之志又安敢執余之志繩後賢之志也唯是志吾之志樂吾之樂已耳他何計哉

也可園記

周升桓

濟南運使治所解宇之後有隙地焉舊蕪不治雨牕阿公

山東鹽法志

卷二十 藝文

六

以歲戊申涖官修墜振疲惟日孜孜不遑自暇逸其於居處觀游之適泊如也越明年政事咸理人吏浹和其春夏雨膏霑足歲以大稔物阜且康公以休沐之日顧其地而樂之始命薙奧草蠲塗壤旣闢夷樸斲旣塗於是廳堂軒廡之制畧具功不旬月而歲焉已乃延客入觀而告之曰吾之於此也因高以爲埵就深以爲池無輦山溝欄之勞也剡木以爲椽翦茅以爲茨無雕甍刻椳之華也借鄰樹以爲蔭錯衢巷以爲址無山原林麓岵窳窳之觀也然而於是娛賓於是偃息幸在公無事將以寄我志焉其

爲我名之惟公起家作吏南北之大邑劇郡所至皆舉其
職今之治睦也若小鮮然餘力之所及猶且遲之以歲月
事必無侈於前而但期無廢於後凡遊於斯者或羽觴飛
翔絲竹合沓宴衍旣娛主人與衆賓作爲歌詩互唱迭賡
喁喁于于見公之志坦以和或爐香茗盃雅集劇談几案
四壁間圖史書畫盈焉皆夙所嗜也見公之志精以粹或
升邱而眺焉奇石綺錯爲峯岫爲洞穴者離立雜坐詭狀
異態見公之志曠以遠或俯沼以窺焉懸溜爲瀑沸沫爲
泉清泠激越之聲不絕於欄牖春夏佳日碧藻映色芙蕖
敷華見公之志潔以芳又或嘉樹繁於春葩時花茂於露
姿鳴禽引吭而下上赭鱗躍波而唼喋萬象涵泳莫不暢
遂見公之志在字人而孚惠然則公所施設無所之而不
可茲園特其寄焉者是宜以也可名旣以復於公公喜
且命爲之記而刻於石

論

鹽法沿革論

莽鴟立

青州之域海濱廣斥厥貢鹽絺始見於虞夏之書然帝都
蒲坂所食者池鹽海鹽特其方物耳其時歌南風以望阜

財祝康衢而忘帝力美哉其遊於曠蕩之天乎及至成周
典制大備周禮所謂形鹽虎鹽苦鹽皆在山陝之區非海
產也讌享賓祭所需非民間日用之鹽矣降至春秋列國
懋遷之貨鹽其一耳不甚以爲重及管仲創爲鹽筴專擅
山海其利盡歸於上桓特用以圖霸毋計民已戰國瓜分
利析秋毫所急者米粟布帛珠玉錦繡之飾鹽尚未有專
功秦始皇滅六國寶貨山積厥鹽猶土苴故諸法俱峻而
鹽利頗疎漢興高惠文景務在休息治平之世粟紅貫朽
萬方樂業非鹽助之也武帝好大喜功靡財無算晚而匱
乏始用桑孔之術鑄山煮海官給牢盆奪貧民富商之利
縮入均輸其利雖溥特以供征戍土木聲色狗馬之費非
有志於平治天下也旣而困敝衰耗鹽不能補昭帝採公
論罷鹽鐵而萬姓復甦東漢光復舊物不敢用武帝之法
而天下康寧則信乎莫利於義也魏晉吳蜀方域列而爲
三吳食閩越滇黔之鹽蜀食井鹽不與中國通關隴以西
河洛以北暨乎幽薊俱食海鹽太原以南至於豫河仍食
池鹽史臣因事及之未嘗有專記也晉滅吳蜀刑政懈弛
不久卽釀五部之難洎至分爲南北朝時事搶攘政令紕

繆其所爲鹽亦出於掠奪苟且不足爲後事法史所急者
取其城爭某地敗某軍通某使而已奚暇及鹽乎隋唐混
一因仍故事未有所更定劉宴起於唐之中葉盡心籌畫
般運百貨以灌注京師當是時鹽利居半其貯固有方舟
楫堅完又能測候風汛偵知遠近價值節量其盈虛補劑
之法史籍以爲長材而不得與仁政比隆者爲其股削工
而無留餘也唐末流爲五代猶之乎三國六朝也史所不
及後莫得而稱焉趙宋之朝頗近道理合天下之鹽以供
中國於是立法洊密總貨利者則曰都轉運使而鹽附之

其實所重者在運糧又謂之漕司諸生應舉專屬漕司畧
如今之布政使後世管鹽有專官因其名而分爲都轉鹽
運使或以驛傳兼管鹽法則與唐宋之官不同矣其時商
人輸米博貨應給以鹽者給以會子鈔錠乃今之驗票關
領金錢官鹽者後因以當錢名實乖而詐僞生至明之中
葉始革南宋時地狹而歲幣繁吳粵閩廣淮蜀之鹽不足
以給費或折鈔易米或附茶易馬頭緒紛拏宋史所不及
詳要自王安石變法以來鹽政亦壞下民所苦上弗惜也
遵金偏據燕豫山陝鹽政修否莫可稽考元復一統生財

之臣繼起其絲麻粒米門攤山澤之利蒐索無遺則鹽法之弊豈顧問哉是以民無百金之產而末年多盜不可支持明興鑿前代得失名儒老成相與講摩其始未嘗不精明而後少廢阻矣洪永之初重邊備而淮揚官鹽日積使商人屯糧塞下腴田納米百石給引若干上藁草百束給引若干中其程度者早支先賣山東山西海池之鹽商有力者任爲之其時法令甚嚴豪貴不許中鹽以分商利成化宏治以後祖制游衰一時勳戚宦寺公卿子弟競中糧草以牟大利商不能抗因而依傍權勢巧取機利其赴場

支鹽官吏扼其喉或速或遲上下其手壅滯尤多有祖中鹽傾引孫不得賣者海濱鹽如山峙塵土封埋長樹合抱而人不敢發鹽已下船操江弁兵以盤詰爲名索賄無厭有誤掣驗者有違按季交引者商人苦之萬歷中鹽盡課銀罷屯中之法商似逸而邊備日削夫十石之粟五夫不能負千百錠銀囊橐可移債帥剋剝以媚其上戰士饑疲以供其役何事不敗乎而諸商亦驕奢奔競走大府以濟其貪狡於是鹽法大壞財用多漏卮而國困矣及至天啟崇禎天下盜起圍城中八月無鹽人盡黃萎不能荷戈破

盛鹽之佳片瓦一金然後知鹽之關乎養命也

本朝定鼎政令一新鹽法初行於由舊之中芟除弊實百年之內天下相安蠲豁頻頒

恩流薄海蓋

本朝無赴邊輸納之煩亦無官積鹽坻之累竈戶自燒自責商人旋售旋販雖掣驗過關及截角繳引猶依明代遺制而簡直坦易則新制尤良所徵有分別者南北異宜耳淮揚盡屬大商其行鹽水路甚遠北則綱商土商與小販偕行綱商俱各省僑寓間入運籍其貲鉅萬重於爲邪土商

山東鹽法志

卷二十 鹽文

十一

間有亡命革役疲吏及敗產紈袴之子招結認稅實則赤手謀利金錢易得相與飲博狎娼鮮衣怒馬又結納有費詞訟有費濫用銀錢如泥沙而正課反不能完及累貽有司迫責傾家則又令民賠墊人不聊生而若輩方揚揚得意又其平日結識巡捕或栽贓報讐或寄鹽嫁禍富室貧家無不切齒若小販則鄙樸節嗇先完正課而後潤私家土人便之官亦憐之因地制宜或分土商而任小販但令照引奏銷官民兩便何不可行之有夫前鹽必用竈戶而竈戶不盡前鹽賣鹽利用小販而小販不必竈籍以票印

爲主畫界而行不敢逾境使東北皆如此例焉有昔日鹽徒之患哉嗟夫大利所在大害所伏貧極而貪走死地如驚愚民之常情也惟權自上操則法立而人不驕德常下逼則事至而人不怨此政治之大凡何獨一鹽法哉故採輯案牘斟酌古今戒繭絲而勉爲保障俾受事者得考證而稱職焉

此篇乃舊志之沿革志也今新修志不列沿革門故附載於此

序

舊志序一

運使
漆紹文

予本江右儒生登第之後蒙

山東鹽法志

卷二十 藝文

七

恩濫入詞林供職未久改授烏臺幸際

陛下龍飛

特擢山東鹺使仍帶監察銜莅任年餘冰兢自靖凡有利於商竈

編氓者知無不言得請奉行未嘗廢閣綜理簿書亭平訟牘不敢過情亦弗求浮譽山左商民諒予之無宅腸相與信况予之謏劣學製者乎且受姓出自賢裔今官於齊魯之區敢不紹述自奮乎會按臺有具題修志之請

俞旨已下予方聘禮名流共成大典乃仲秋上浣忽有江蘇藩長

之

命予意外遭逢感愧尤深廻思未信之言今乃滋懼東南財賦甲天下其難百倍於鹽使予敢自喜而不勉歟獨念此書未就業已開局排纂十得七八矣廼於

簡命匆匆就道將成之緒以貽葛公其人君子也直方以大必能下士虛衷成此大業予雖遠游吳會日望此書槧本以慰夙心留序以識其後云

舊志序二

運使
葛斗南

鑄山煮海天下之大利也其權不可以假人侯王君公擅

山東鹽法志

卷二十 藝文
文

十三

其利者猶驕諄難制况蚩氓號橫之輩歟古之善於均利者必立之防必爲之節使上下各得其分而宇內謐寧大抵如父母之治家子孫奴婢衣食有等咸得温飽不相凌奪撫育訓誨得其平則家齊矣推以治天下如農桑本業而外畫計懋遷輸轉百貨以濟民生途徑紛歧而鹽爲尤大夫鹽生於海成於人其事勞苦其用廣溥凡民不能獨任於是招商商不敢私行於是設官自設官而鈐轄總制之法立法立而關津徵權之令布慮強弱不相敵遠近分俵不能迴而巡徼謹訶之役出踵事增制而鹽務乃日頽

積久弊生則又有梳杷勢隔情生冒禁營利者滋多則因時補救權宜會通之議又待於良臣要使商不困於壅滯侵蝕民不苦於淡食賠累此設官創法之本意也

本朝

列聖相承綱紀井然凡莅鹽政之官無不殫竭心力恤商惠民者按其簡牘絜令維謹患其繁密渙散架閣腐朽按臺恭請奉

旨修志此盛舉也予新以津門離使調任山東受事之初便開局

館受前使臺本潛心校閱補其缺略增以部例綜其條目

山東鹽法志

卷二十

藝文

十四

敘

詔勅尊

朝廷之命也敘沿革舉歷代之遺謨也敘疆域以定規模敘職官以專責成敘公署以重庫藏此在官所宜守也至敘竈籍以咨民瘼敘商政以通舟車懸法制禁令以杜邪慝之實此在下所宜遵也他若敘宦績以紀成功編奏疏以達輿情此臣子之素分也此外如古蹟人物皆太平之盛事教化所漸漬也存藝文又所以考鏡焉共纂十有四卷

勒成一書凡夫揚

聖主之仁政佐致治之宏猷其斟酌古今有合於繁矩之經豈簿
書錢穀之末而已哉敬哀集而爲之序

舊志序三

濱樂分司 宋懷金

余以龔鄙腐儒謬叨一第際遇

休明許讀中秘書嗣以庶常

予告終養隨丁外艱服闋赴禁林卽奉

簡命分理二束鹺務莅任伊始輒諮訪亭戶之虛實商販之利弊

歷代政令沿革乃典籍荒略薦紳父老鮮能道其梗概者

蓋志乘之缺於今百四十年矣山左向有東西二分司一

山東鹽法志

卷二十 藝文

五

司濱樂督放蒲臺關一司膠萊督放濼口關今則西司并

於東惟濼關歸於督鹺使者而膠萊所轄場竈課額盡屬

命乘之濱樂地方遼闊文移往來動以月計職事倍於疇昔徵

解例有程限兼之訟謀紛挐有鞭長不及之嘆嘗以是上

之巡鹽廷尉莽公督鹺漆公皆深以爲然且事有政更而

志久不修則自今以後之鹽政奚所考鏡而遵循焉廷尉

急請於

朝檄開館局鈔纂訖無虛日漆公遷蘇藩去葛公以長蘆轉

運調補復綜理其事予亦互有商榷中間奉調編審徧歷

諸鹽場衝冒風雪行二千餘里馬瘡僕痛歸已迫歲暮廻
思窮竈之零丁飄泊海濱獲去背負聞有瘕口憫然誦譙
不令漏卮增減均平差堪稍慰固不自知其鞅掌况瘁也
及赴局分閱卷帙則旣綱舉目張次第井然其於鹽政之
通塞損益以訖規畫敷奏上有裨於

朝廷立法之心下可垂之永久奉爲矜式皆不患無所折衷
予得追隨大君子後有深幸焉爰附數言於卷末

舊志跋

運使
楊宏俊

今

山東鹽法志

卷二十 藝文

六

國家創制顯庸法良意美其損益前代而著爲典則者至精
至密我

皇上睿慮周詳凡興除因革法必期於至當制必善於因時體國
經野之模皇皇乎有

令典矣青齊爲鹽飾貢賦之始權鹽之法便民利商其制作
規畫日臻美備鹽法所以有專志也雍正二年鹽臣莽公
以舊志缺畧請於

朝而重修之志成繕呈

御覽後之司鹺者遵而行之蓋旣率由而莫越矣乎雍正六年

皇上命大臣清釐東省鹽法肅然澄清而巡視諸大臣各樹風紀
後先濟美凡所奏請俱蒙

俞允著爲成例蓋法之所載垂之萬世而綱維昭其範亦行之一
時而化裁協乎中其間時至事起隨地措施神明於法而
未可拘泥於法也數載以來

朝廷有因時制宜之政令大吏有條陳得失之奏章予亦時

出眇見上請興革卷牘具在可按而稽也予不敏由賴上
令擢登郡守未三年承乏離政癸丑夏丁內艱大吏復上

留牘奉

山東鹽法志 卷二十七 藝文

詔在任守制

皇上恩遇之隆侔於覆載小臣報稱之意彌切悚惶惟有夙夜冰
兢稟舊章而實力奉行竭愚誠而因時敷布以期上無愧

於

君父下無慚於旦明而已茲大部取現行鹽法志奉檄以纂修未

久姑將未載之成例增葺續補以期符合予謹檢查案牘

卽現行之規條挨年編次分類增補將來

國家之政令因時制宜其斟酌而損益之者精而益精密而

益密更爲請

命而纂輯之則經國之模不綦

典章燦列也乎予小臣或得以竭蹶報稱者拜手颺言以贊其成也

山東鹽法志

卷二十

藝文

七



其成也

典章燦列也乎予小臣或得以竭蹶報稱者拜手颺言以贊其成也

山東鹽法志卷二十藝文七

詩

初莅任巡視灤口

運南
葛斗南

驅車涉水濱鼓角霜天曉鹹園何晦晦白土無青草灑波
積鹽坻捆載舟車道哀此蚩竈丁半菽常不飽穰穰走利
塗富者無乃少商用儉保家官以廉為寶持籌貫寬舒冬
日温杲杲謀

國如吾家勤劬縈懷抱

鹽志館呈同事諸友二十韻

葛斗南

嗣皇龍飛年繼述修百事接籍考舊章故府得鹽志歲深漫漶多

山東鹽法志

卷二十 藝文

九

文字失論次

帝覽之曰吁疇予任更置咨汝典守臣御史暨運司去聲碣石關舊

館稷下博鴻議文獻徵老成羣彥羅國器沿革迄藝文分

部十有四

制誥尊典章政令崇德意徵稅黜科歛約禁嚴陋弊官以正直方

蹟以表循吏版圖疆域詳衙署更幽閔人物與山川考古

而論世閱博列國華潤色特餘技體格準史裁大雅合典

制已見切須除和衷乃有濟蘆東各成書無為苟同異編

纂咸就理先付之書記繕寫進

帝庭彙刊受成例千秋東國光勉哉勿率易

苦竈行

有引

高曰恭

余家近海門籍列竈戶荒村窮黎業鹽爲多覩徒役之
作苦悼里胥之催訶怒焉傷心作詩以告當世之司饑

政者

南風一夜捲海水海上晨趨走婦子荷鍤持帚羣相招笑
指池上雪花起滷淹赤脚紅鱗斑竈下蓬頭炊溼烟饑腸
霍霍日向午尚待城中換米錢得鹽盡入豪賈手終年空
作牛馬走人生百役各辛勤視此一笑正何有就中老婦

山東鹽法志

卷二十 藝文

二十

尤堪傷長號向我淚滿眶白頭半世作亭戶今年不幸阿
公亡阿公一死誰當語家有丁男解課去小兒覓米未歸
來府牒勾人虎吏怒祇今孤苦一身支爲民爲竈互參差
不惜垂老死徭役可憐一兔兩三皮幾廻欲去戀鄉井兒
女柔腸空嗚哽天閹萬里叫不開直須抱石投東溟我聞
此語首頻搔口銜石闕心切切老婦老婦且莫號好待巡
鹽使者行將按部來此飛章入告救爾曹

擬修志大畧上齏使漆公

張頤

使君雅好士車馬遠相迎

韻讀

如映顧此大著作鄙樸恐不稱

焉敢媿馬班勉力希王鄭譬之造府第規樞宜先定

國家理財用莫大如鹽政因革損益間去取嚴更訂敘事貴
詳覈專詞尚雅令展卷卽爽然庶可達

天聽上以佐司農下以潤百姓人物與科名物產及形勝此特枝

蔓爾渲染須鍊淨寶主勿奪倫期不愧辭命鉅公負鴻裁

野人無詔佞彼此同一心王道相質證

題先相國遺笏

有引

高鳳翰

相國諱宏圖號硜齋石河場竈籍也明季南渡後殉節

於會稽上竈之竹園

山貞鹽法志

卷二十 藝文詩

主

相國孤忠日月邊猶傳遺笏渡江年指揮已失金陵氣慷
慨同消上竈烟袖底有心誅寇盜殿前無地畫山川可憐
一段青蒲血凝碧千秋漬欲穿

商困行

任嗣章

順治七年河決金龍口衝張秋之沙灣齊河一帶鹽船

不行商乃大困近歲疏通得法撫字有人商困始甦而

後進子弟又以荒唐敗業矣聲伎裘馬蕩產逋稅流離

之苦其困又更甚於昔者目擊心傷作商困行以示警

焉

盲風夜決金龍口奔浪崩濤如馬走平翻地軸撼齊州九
點烟昏龍夜吼武皇瓠子空悲歌廬舍深沉十八九此時
東國盡汪洋茫茫千里絕舟航蛟潭螭窟不可犯積鹽如

坻空傍徨可憐零落僅皮骨難挽鹽車上太行太行廻首

家千里

商家多西人故云

少壯奔潰老弱死新鬼啾啾野蔓中旅

夢悠悠行路裏年來嗟使稱得人白骨漸看扶肉起那知
安樂生沉疴天怒才迴人禍多牙檣錦纜驕春水歸來夜
半猶笙歌春嬌滿眼醉不醒掠削雲鬟擁翠娥水衡濫用
買歌舞少年那省商家苦一朝金盡類僵蠹竈冷黃齋不
充釜眼中多少輕薄兒昨日華堂今赤土珍重河清海晏
時慎哉努力爲良賈

管子城

任宏遠

賁海當年事千秋賸此城荒濠春草沒殘堞夜潮生估客
誰成敗鹽官幾姓名空教齊仲父霸國有遺榮

鹽丁嘆

任宏遠

天雨鹽丁愁天晴鹽丁苦烈日來往鹽池中赤腳蓬頭衣

藍縷斥滷滿地踏霜花滷氣侵肌裂滿膚曬鹽朝出暮始

歸歸來老屋空環堵破釜魚泔炊礪房更採枯蓬帶根煮

糠粃野菜未充饑食 罷相看淚如雨鹽丁苦苦奈何憑誰

說與辛苦多嗚呼憑誰說與辛苦多

按竈民自我 朝定

編戶無歧視有樂利之休無徭役之苦苦竈行鹽丁嘆二

篇其詞未免失實然亦歌疾苦以爲在官者勸猶古風人

遺意也故並存

山東鹽法志

卷二十

藝文詩

紀

恩詩

千叟宴恭紀

運學舉人臣

汪居敬

錫福自

聖人仁壽躋斯民偕來

北闕下共獻南山春笙竽聽雅奏酒醴頌清醇熙熙衆叟列茲

苾芳筵陳

臣

昔司士鐸華徽蒙

恩綸殊榮拜

渥賜惟有舞蹈頻

山東鹽法志

卷二十

藝文紀

恩詩

三

引商監生臣

茅祚宏

斗極泰階平弧南壽曜明元貞承職貢嘉宴會耆英鶴髮

歡衷洽

龍光大賚榮

微臣

草茅賤深幸到蓬瀛

票商捐職從九品臣

董調元

三垣平八方壽

帝治蔚光華兩曜同長久瀛嶼嘒嘒承

恩趨風五十

鴻圖大衍始思赴

北闕呼中嵩

帝錫濃華者宴豐隆合卿尹浹農工商爲四民一江淮之南長蘆

東實多皓首鮐顏沐

大化俾來入宴臣以微銜從瞻

雲日隨鵠鴻此生眞大幸曠古盛典臣躬逢

山東鹽法志

卷二十

藝文

恩許

五

